

兵部
職制

欽定大清會典事例

卷五百七十五

欽定大清會典事例卷五百七十五

兵部

職制

衛千總選法

拔補貴州衛千總

衛千總選法。○順治初年定衛千總員缺雙月。由裁汰改推還職降補。一二科武舉外委題准給劄等項。挨次選用。每五缺各項輪用一人。武舉用四人。單月。由犧牲所所副論俸推升。○又定衛千總員缺以裁汰改推為一班。還職降補為一班。武舉為一班。年滿咨送為一班。功加為一班。效勞為一班。投誠為一

班每十缺各項輪用一人。武舉用四人。○康熙十一年議准衛千總員缺均歸雙月選用。○雍正十一年議准一二等武舉各設一科。班三等武舉設四科班。均照揀選年分挨科分名次選用。如一二三等武舉同年揀選而一二等中有科分深於三等者將三等之科班借與一二等選用。○又議准難廕以衛千總用者設一廕班。照題廕先後挨次選用。○又議准一二三等守禦所隨幫一二三等武舉隨幫一二三等漢軍武舉隨幫各設一

隨幫班相間輪班選用。此三項內一等與一等較。二等與二等較。三等與三等較。各照運滿日期選用。如日期相同。仍照揀選年分。挨科分名次選用。○又議准一二三等武舉隨幫內有科分深者。設一科深班。各照科分名次選用。不必復照揀選年分。○又議准一二三等世爵隨幫及二三等效勞者。共設一給劄班。相間輪班選用。此兩項內一等與一等較。二等與二等較。三等與三等較。各照揀選年分選用。○又議准捐納衛千總人員。設二班選用。每班用新捐三人。

後閒用舊捐一人。其舊捐新捐各項均相閒輪班選用。如同例捐者按上庫日期先後選用。如同日上庫令其公同掣籤註冊挨次選用。○十二年奏准豫籌糧運例捐納衛千總於二捐班之下別設一班選用。此班之內先用候補衛千總捐即用之人如無即用之人將改捐之人選次全完咨部註冊。按文到日期先後選用。如同日文到令其公同掣籤挨次選用。○又奏准一二三等武舉隨幫內有揀選早而選期已屆者

於科深班下設一揀選班選用。如揀選年分相同。按等第名次選用。不必復較科分名次。○又奏准武舉隨幫在途委領重運一次者。設代領重運班於十九班之後選用一人。照重運報滿日期先後選用。如日期相同。照揀選年分。挨科分名次選用。○三年議准南漕重運武舉科分最深者。按科分名次先後入於代領重運班內。相間輪班選用。不必復較揀選年分。如科分名次相同。令其公同掣籤註冊。挨次選用。○七年奏准開復降補捐還三項共為一班。相間輪用。

一人開復降補者照奉

旨日期先後選用。捐還原職者照上庫日期先後選用。如同日奉

旨。同日上庫。均令公同掣籤註冊。挨次選用。○又奏准衛千總員缺以開復降補捐還三項共為一班相間輪用一人。揀選武舉一等科班用一人。二等科班用一人。三等科班用四人。南漕效力領重運者用一人。難廕用一人。一二三等守禦所隨幫用一人。一二等武舉隨幫用一人。三等隨幫用一人。一二三等漢軍武舉隨幫用一人。

一二三等武舉科分深者用一人一二三等武
舉揀選早者用一人一二三等世爵隨幫及二
三等效勞者相間輪用一人捐納者用二人豫
籌糧運例捐納者用一人隨幫武舉委領重運
及南漕重運之科深者共為一班相間輪用一
人廕生以衛千總用者於各班之末用一人○
八年奉

旨武舉內有隨幫效力年滿之人應以衛千總用者其
選用法按其從前揀選等第分班銓選一等人數
無多選期尚速其二等有數十人三等多至二百餘

人每年選用不過三四人。甚為壅滯。朕思衛千總與營千總雖屬有間。但武職皆尚技勇。亦當及其強壯之時而用之。且此項武職既係隨幫年滿。非閒散武舉可比。若遲至二三十年之久。方得錄用。未免精力就衰。難為國家宣力。所當酌量疏通。著該部詳議具奏。欽此。遵。

旨議定。衛千總班內設有二捐班。係選用從前捐納之人。即將此二班借於三等隨幫選用。如本班捐納有赴部投供者。仍儘本班先用。其豫籌糧運例捐納衛千總已經用完。即將所有別設一班。

移於二班之上。選用二等隨幫。○又議准代領重運人員。照檄委代領日期先後選用。如日期相同。照揀選年分科分名次選用。○九年議准直賑例。捐納衛千總為新捐。從前新捐者。改為舊新捐。每班用新捐三人。次用舊新捐一人。再次用舊捐一人。至二等隨幫武舉。先因捐納人少。遂以捐班借與選用。此次直賑捐納之人。既歸原設捐班選用。其三等武舉隨幫。即於三等幫班之下。增設一班選用。○十年議准。衛千總班次內設有廕班。乃選用難廕。此項現在無人。

即將此班借與三等隨幫選用。如本班難廕之人。有赴部投供者。仍先儘本班選用。○十一年議准。新江例。捐納衛千總。令於原設捐班之下。增設江賑新班。由武舉及候補候選捐納者用二人。由監生捐納者用一人。○十三年議准。川運例。捐納衛千總。亦增設一班。由武舉及候補候選捐納者用二人。由監生並監生已捐衛千總職銜捐納者用一人。○又議准。東賑例。捐納衛千總。由候補候選捐納衛千總者。人文到部投供。照上庫日期。於各班用七人之後。選用一

人如投供無人將別項之人選用。續有赴部投供者。即還班補用一人。仍於各班用七人之後。再行輪班選用。其由監生捐納衛千總者。於東賑候補候選者用二人之後。選用一人。○十八年奏准三等隨幫人數甚多。銓選壅滯。應即現在無人投供之恩廕班。照借難廕班例。以三等隨幫武舉選用。如恩廕人員有赴部投供者。仍先儘本班選用。○又議准衛千總原設立八捐班。今此次江賑捐納衛千總者。即於各班先用。○二十九年奏准一二三等世爵隨幫及二三

等效勞人員俱已用完將原設給劄班裁汰○

又議准衛千總班內共設有八捐班今舊例捐納人員俱已用完即將原設各捐班酌裁二班

○三十四年奏准揀選一二等漢人武舉以營千總用漢軍武舉以門千總用均停止選用衛缺其原設一二三等守禦所幫班漢軍武舉幫班深科班揀選班專用三等隨幫運滿人員○四十年奏准衛千總乃督理漕運之員非初登仕籍之幼官所克勝任所有難蔭千總毋庸議以衛缺俱發營學習期滿在外拔補將原設難

廕班裁汰。五十年奏准一二等科班係用揀選一二等武舉一二等幫班另班係用一二等武舉隨幫人員惟從前揀選一二等衛用武舉久無赴部投供候選者。今將此四班均行裁汰。五十年奏准月選衛千總年屆六十。如果精力强健堪以委用者。查驗確實。聲明年歲帶領引

見恭候

欽定。其年力就衰者。即勒令原品休致。嘉慶三年奏准川楚例。捐納衛千總。增設川楚班。歸於遇

有雙單月衛千總缺出選用。○六年奏准月選衛千總有年屆六十三歲者。仍照舊例分別覈辦。○又奏准直賑新江川運各例捐納衛千總。原設六班選用。今各例捐納人員俱已用完。即將此六班均行裁汰。○又奏准雙月衛千總缺出。將開復降調捐復三項人員共為一班挨次輪補一人。為還班揀選三等武舉用四人。為四科班南漕效力。領押重運人員用一人。為漕班守禦所隨幫用一人。為幫班三等武舉隨幫用二人。為武舉幫班。漢軍三等武舉隨幫用一人。

為漢軍幫班武舉隨幫內有科分深者用一人。為科深班武舉隨幫內有揀選早者用一人。為揀班武舉隨幫在天津以南委押重運一次。及南漕重運科分最深人員共為一班相間輪用一人。為代重班改武廕生用一人。為廕生班以上十四班輪流推補其廕生班輪用時如本班無人即將隨幫武舉抵補。又奏准降級革職捐復人員各按上庫日期為先後如同日上庫。公同掣籤註冊挨次銓補。又奏准南漕重運科深人員如輪用科深班時按科分名次選用。

天津以南。代押重運人員。按檄委先後推用。如
同日檄委。照揀選年分。挨科分名次推用。改武
廕生。按引

見奉

旨。日期先後補用。如同日奉

旨。按改武日期補用。○又奏准。工賑例捐納衛千總。
增設工賑班。歸於遇有雙單月衛千總缺出選
用。○九年奏准。衛工例捐納。不論雙單月。即用
衛千總。增設衛工班。歸於遇有雙單月衛千總
缺出選用。○十一年奏准。南河捐輸料價議敘。